



Sud Bosne i Hercegovine

Суд Босне и Херцеговине

Broj: Su-08-105/17

Datum: 26.04.2017.godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05) na preporuku Stalne komisije za javne nabavke Suda BiH broj: Su-08-104/17 od 25.04.2017. godine u postupku javne nabavke za LOT 3- Računari za video nadzor 30211500-6, donosim

ODLUKU

o izboru najpovoljnijeg ponuđača za nabavku serverske i računarske opreme za
LOT 3- Računari za video nadzor

član 1.

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-104/17 od 25.04.2017. godine i Ugovor za javnu nabavku robe za **LOT 3- Računar za video nadzor** - oznaka i naziv iz JRJN: 30211500-6 (Procesori), dodjeljuje se ponuđaču „**PRINTEX**“ **d.o.o Sarajevo**, sa sjedištem na adresi Ul. Hasana Sušića br. 9 i 11, a ponuda ovog ponuđača broj: 39/17 za ponuđenu cijenu od **1.889,00 KM** bez PDV-a, kao najbolje ocijenjena ponuda.

član 2.

Ugovor o nabavci dostaviti će se na potpis izabranom ponuđaču „**PRINTEX**“ **d.o.o. Sarajevo** po proteku roka od 15 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke robe broj: Su-08-26/17 od 21.02.2017. godine. Javna nabavka je provedena putem otvorenog postupka broj: Su-08-37/17, a procijenjena vrijednost javne nabavke bez PDV-a je 4.300,00 KM za LOT 3- Računar za video nadzor. Obavještenje o nabavci objavljeno je na portalu javnih nabavki pod brojem 243-1-1-41-3-3/17 od 03.03.2017. godine. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke za LOT 3- Računar za video nadzor. Komisija je blagovremeno i pravilno izvršila javno otvaranje ponuda dana 10.04.2017. godine i sačinila Zapisnik o otvaranju ponuda koji je prosljeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće; da je blagovremeno pristiglo devet (9) ponuda; da nije bilo neblagovremeno zaprimljenih ponuda i da su ponude ponuđača „ELUR“ d.o.o., „R&S“ d.o.o., „PRINTEX“ d.o.o., „MMCC“ d.o.o., „TIMECODE“ d.o.o., „ROBERT'S PLUS“ d.o.o., „GBG“ d.o.o., „ASPO RAIL“ d.o.o. i „EXCLUSIVE“ d.o.o. ocijenjene prihvatljivim.

U postupku donošenja odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuda, te ocjenu, poređenje i rang listu prispjelih ponuda, shodno kriteriju najniža cijena.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač „PRINTEX“ d.o.o. izabran primjenjujući kriterij najniže cijene koja je ponudena u iznosu od **1.889,00** KM bez PDV-a, dok je ponuđač „ASPO RAIL“ d.o.o. ponudio cijenu u iznosu od **1.965,00** KM bez PDV-a, ponuđač „TIMECODE“ d.o.o. ponudio cijenu u iznosu od **1.992,00** KM bez PDV-a, ponuđač „ROBERT'S PLUS“ d.o.o. ponudio cijenu u iznosu od **2.030,94** KM bez PDV-a, ponuđač „R&S“ d.o.o. ponudio cijenu u iznosu od **2.088,90** KM bez PDV-a, ponuđač „ELUR“ d.o.o. ponudio cijenu u iznosu od **2.126,88** KM bez PDV-a, ponuđač „GBG“ d.o.o. ponudio cijenu u iznosu od **2.415,00** KM bez PDV-a, ponuđač „MMCC“ d.o.o. ponudio cijenu u iznosu od **16.086,00** KM bez PDV-a i ponuđač „EXCLUSIVE“ d.o.o. Sarajevo je ponudio cijenu u iznosu od **2.756,00** KM bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponudač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 10 (deset) dana od dana prijema ove odluke.



PREDSJEDNIK SUDA

Ranko Debevec